



Tuhaqtidjutikhaq

Qilamik Tuhaqtitaujukhaq

Munarittiarutikkut Tuktunik Atauttikkut: NWT Nunavullu Sainiqtuk Nutaanguqtiqhimajumik Titiramik Kangiqhidjutimik (MOU)

Iqaluit, Nunavut (Apitilirvik 3 2025) – Aakassi 28mi, Nunatsiap Kavamanga Nunavut Kavamangalu sainiqtuk nutaanguqtiqhimajumik Titiramik Kangiqhidjutimik (MOU) tuktuinni havaqatigiigutunik ukunani malruungni ukiuqtaqtuni. Una MOU tautuktittuq havagumanirmik atauttikkut munarijaami atauttikkuuqtut amigainnirni tuktuni.

Nutaaq MOU ilalik:

- nutaanik naunaijarutunik munarinikkut naunaitkutikhaini atauttikkuuqtuni tuktuni;
- angirutimik tuniudjutiqatigiigutikhanik titiqqanil ilitturipkaidjutunik katitiqhimajun ukunani munarinikkut hulidjutainni havaktanilu pidjutilingnun tuktunun;
- angirutimik piningani pivallialiurnirnun anguhijuktunun qaujihiarnirnik ukunani/ukunaniluunniit munaridjutikkut pinahuarutunik uvani iliulikmi nunani tuktuni najurviinni havaqatigilugin atauttikkut-munaridjutiqatigiiktun paannarijainni ihuarniqaqqat; imaalu
- ilaudjutailu ukunani Peary tuktuinni ukunanilu Dolphin and Union tuktuinni.

Una MOU naunaijaqtaa havagutijumadjutivun havaqatigiikluta ihuaqhainirnun nakuujumik aturutainnik atuqtakhanik, atuliqtirugin munarinikkut hulidjutit pinahuarutillu tuniqatigiiklugillu titiqqat ilitturipkaidjutillu pidjutilgit tuktunun. Ihumagittiaqhugin tamarmik pidjutait uvani atauttikkut-munaridjutikkut ukunanilu nunataqnikkut angirutini, nunakpu havagumajuq havaqatigiiklutik akhuurnirnun hivumuudjutinillu atauttikkut turaangajani, pidjutini hulidjutinilu pidjutilgit munaridjutikkut tammaqtailinirnullu tuktuni.

Tuktuit ihariagijaujun atuqatigiigutaujullu pidjutit. Havagumajugun havaqatigiikluta atauttikkut ununanilu nunaqaqqaahimajuni kavamagijaujuni ukunanilu nunaqaqqaahimajuni timiqutini pipkaijaami hulijugun nakuujumik munanarijaami hapummijaamilu tuktunik hivunikhani kingulliinnun, huli aulapkaihimmahugugu qanga-taimaa havaqatigiigutiptingnik ukunani nunaqaqatigiigutiptini.

Uqautait

“Munarittiarniit tuktuni hivuliutihimajuq uvaptingnun paannarijaptingnullu. Hapkuat tuktuut iharianaqtun ukiuqtaqtmui pitquhiinnun, nunallaanun, pidjutinullu inuuhiptingnun. Talvuuna nutaanguqtirninun angirutmi Nunavunmun, havagumajugun ihumaliuriami atauttikku, tunnganiqaqhuni nakuutqijaujunun hailihimajnun nalunaqtuni pitquhikkullu qaujihimanirnin, pilunilu hakugiktunik hulidjutinik pijukhaukpat. Tuktuut ilitaringittun kikliqarutinik, taimaittukhaujuqlu havaguptingnik munaridjutainnik. Havaqatigiingnikkut ukunani Nunaqaqqaqtuni kavamagijaujuni, Nunaqaqqaqtuni timiqutini, atautikkut-munaridjutikkut katimajiinni, nuatqatiptingnilu Nunavunmi, piliuligtugun atautikkuuqtumik pidjutimik pipkainirmi tuktuut aulajut huli nunami hivunikhami kingulliinnun.”

- Jay Macdonald, Minista Avatiliqijikkut Hilaup Aallanguqtirninganilu, Nunatsiami

“Aliahuktunga quviahuktungalu sainilirama uumunga angirutimik Nunatsiamun. Pidjutijuq havagumanirnik tuktuni tammaqtalinirnin talvuuna havaqatigiigutihimmaarutikkut paannarijaptingnun ukiuqtaqtumi. Una angiruti talvatuq ilaungittuq himmauhiqtutiqarutikkut ilitturipkaidjutinik kihimi tautuktittuq atautikkut havagumadjuptingnun pipkainirnin aanniagittunun aulahimmaaqunullu tuktuinni ublumi hivunikhnullu. Aliahuktugun havaqatigijaami paannarijavun atautikkut atuqtullu uppirijaptingni katitihimadjutikkut tamarmik Nunaqaqqaqtuni ukunanilu nalunaqtuni qaujihimadjutinik ilitturipkaidjutikhanun atugakhaptingnun. Tuktuut iharianaqtun ilaun Nunavutim naunaitkutaani, pitquhiani niqikhaqarninnullu nivriuktungalu takujaami una paannaqatigiiguti aulahimmaaqtukhaq nauluni hakugikharnianullu.”

- David Joanasie, Minista Avatiliqijikkut, Nunavut Kavamanga

Kangiqhidjutit

- Una MOU tunijuq nutaanik naunaitkutnik uumunga MOUmun hivulliqpaakkut sainiqtauhimajuq 2022mi.
- Una MOU aturniaqtuq talvunga 2030mun.
- Maligaliuqti David Joanasie Minista Avatiliqijikkut, Nunavut Kavamangani unalu Maligaliuqti Jay MacDonald Minista Avatiliqijikkut Hilaup Aallanguqtirninganilu, Nunatsiap Kavamangani sainiqtiujun uumunga MOUmun.
- Iliulingmi tuktuut (Tahiqpaup-Kivataani, Qingauk, Ahiaq, Beverly, unalu Qamanirjuaq), Dolphin and Union tuktuik ukuallu Peary tuktuut ittun tamarmik Nunatsiami Nunavunmilu.

Pidjutilgit atadjutit

- [Tuktuut NWTmi](#)

###

Tuhaqtipkainikkut Uqaqvigijaqhat:

Tuhaqtipkainikkut Inungnullu
Qaujhimajakhainnik
Avatiliqijikkut Hilaup Aallanguqtirnianilu
Havagviani
Nunatsiap Kavamanga
ECC_Communications@gov.nt.ca

Atanngujaq Tuhaqtipkainikkut, Ilihainirnun
Ikajurnirnullu
Avatiliqijikkut Havagvia
Nunavut Kavamanga
Jtaqoon1@gov.nu.ca
867-975-7761